

憲宗大王實錄

卷之二

丁酉戌

0220295

no. 2



國立臺灣大學圖書館典藏

230295
7.10.10

由國家圖書館數位化

訂

憲宗經文緯武明仁哲孝大王實錄卷之四

三年

清道光十七年

正月己卯上親行禫祭及酌獻禮于魂殿○上詣孝和殿行酌獻

禮○庚辰以朴宗薰為實錄檢校官許祭為咸鏡南道兵馬節度使李拭為慶

尚左道兵馬節度使○辛巳給扶安等邑浡戶恤典○壬午○癸未以李元八

為司諫院大司諫○甲申上詣魂殿行告動駕祭仍出敦化門神輦祇送○上

又詣孝和殿行告動駕祭仍出弘化門神輦祇送○乙酉躋祔純宗大王翼宗

大王于太廟第十六室十七室○景宗大王祧遷于永寧殿英宗大王以下各

室移安陞奉○上詣太廟展謁○上御仁政殿受賀頒教赦○宗廟都提調以

下施賞有差左通禮鄭顯璞加資○丙戌○丁亥○戊子大王大妃王大妃尊

崇後上御仁政殿受賀頒教赦○上御熙政堂召見時原任大臣禮堂及領敦

寧趙萬永判敦寧金道根大王大妃曰今日入侍已諭於日前賓廳請對而國

家大事莫重於舟梁大禮而當今之日一時為急從速舉行可也○祔廟尊崇

合慶慶科命依壬戌年釁設行○己丑教曰陳賀時禮房承旨趙庭和尹秉烈

對舉承旨李憲璋李同淳宣教官宋應龍李明迪並加資○庚寅祔太廟時初

獻官以下祔廟尊崇兩都監別單施賞有差亞獻官金箕殷終獻官李義準十

六室大祝金洙根十七室大祝徐憲淳祔廟都監提調李止淵趙寅永金學淳
都廳洪在詰洪羲錫並加資大王大妃殿王冊文書寫官徐耕輔王大妃殿王
冊文書寫官權敦仁加資○以李昂會為三道統制使兼慶尚右道水軍節度
使○執義權大肯疏曰獻納李正履之疏萬萬駭惋夫三司之有合啓即一國
之同聲也何嘗以病不聃參肆然自陳乎今番洪奭周之事國人齊憤如鷓於
雀孰不同情而渠以無故時臺偃然托病不參加律之請又復違召竟致姑停
之境規避之跡昭不可掩為先施以屏裔之典斷不可已也批曰所請依施○
辛卯上御熙政堂召見黃海監司鄭基一大王大妃曰卿今辭朝見今八路弊
到極處有非一朝可言而此時急務莫先於詳察貪政此一教專在於道伯似
不待予之付托而當善為之益思民為國本之意無至弊上添弊可也治績之
善不善何待予言也○以朴晦壽為平安道觀察使○壬辰以宋稚圭為司憲
府大司憲金在昌為吏曹判書○癸巳上御熙政堂引見大臣備局堂上右議
政朴宗薰啓言臣於前後仰陳愚衷者屢矣今當新正更以三條為獻一曰課
程不可不嚴二曰經史不可偏廢三曰問難不可不動○大王大妃命景廟配
享功臣故相臣李濡閔鎮厚雖在景宗室祧遷之後依錄勲人例施以不祧之

典○京各司各營進丙申會計簿

戶曹餉 監惠 兵曹訓局 禁營 營提 監 時

九萬五千七百五十七兩五錢五分零錢文五十三萬二千八百九十九兩六錢二分
分棉袖一百七十七疋同二十八疋八尺布一千七百五十五疋同十七疋八尺零米十三萬
六千二百九十二疋五十五升零田米一千三百四十四疋三石四斗二升零太一
萬六千八百七十一石一斗零
三萬五千七百八十一石一斗零

乙未命捕廳囚崔謙孝等十八人押送各其道島首警衆其餘從輕重酌處皆

膺中徒黨也○丙申大王大妃教曰今番膺賊之窮凶絕悖非但載籍之所無

其暗投釜館白地做謊敢欲構釁兩國者尤為憤惋若非館守之即時覺察通

告而押付則其稱兵逆節反國凶圖何以痛戮鋤治乎此雖兩國間孚信之所

及亦係館守效誠之端其在朝家嘉尚之道豈無格外示意之舉銀子一千兩

令地部下送萊府即為傳給館守處仍以此下教曉諭為可之意分付廟堂○

丁酉大王大妃教曰日前北關狀啓之廟堂覈奏者雖未許施本道之事一念

憧憧寢食靡甘豈以事勢之難不為動念於飢民賑貸之請乎此事不可以常

例論嶺南今年應上納大同米二千石定差負罔夜裝載及時入送於北關之

意廟堂三變鈴行會於兩道道臣○以金道根為工曹判書○戊戌以李紀淵
為司憲府大司憲李正耆為司諫院大司諫李憲球為全羅道觀察使○己亥

設人日製于泮宮○庚子以宋荅榦為司憲府大司憲○命慶科有初試試講
設行○辛丑召對于熙政堂○壬寅召對于熙政堂○以李憲璋為刑曹判書
金相順為黃海道兵馬節度使李光正為京畿觀察使○癸卯召對于熙政堂
○甲辰○乙巳勸講于熙政堂○丙午勸講于熙政堂○丁未勸講于熙政堂
○戊申勸講于熙政堂○以閔致成為吏曹參判李祖榮為參議○二月己酉
上詣仁政殿月臺親傳景慕宮春享香祝○勸講于熙政堂○庚戌召見京畿
監司李光正及下直守令于熙政堂光正辭陞也○勸講于熙政堂○辛亥上
詣仁政殿月臺親傳南壇祭香祝○勸講于熙政堂○壬子勸講于熙政堂○
癸丑勸講于熙政堂○甲寅勸講于熙政堂○乙卯勸講于熙政堂○丙辰上
詣仁政殿月臺親傳文廟釋奠祭香祝○勸講于熙政堂○以任百觀為全羅
道兵馬節度使趙德永為全羅右道水軍節度使○丁巳勸講于熙政堂○戊
午勸講于熙政堂講論語第二卷閻臣鄭元容曰此三章皆言學而修學求道
之心專一然後不為外物所奪一役乎外則學無以專矣衣服飲食是日用常
行之事而若存心於美惡之間則心已外馳學何暇篤故顏子之簞瓢自樂子
路之緼袍不恥蓋其求道之心專一故為孔門之高弟矣人主處崇高之位耳

目之所接若不克祛芬華之觀玩好之具則其於緝熙光明之學豈可一心專
篤乎右議政朴宗薰曰閣臣所奏好矣此章惡衣惡食以顏子之簞瓢陋巷子
路之衣敝緼袍看之果好此則以在下之君子為言也若以此意推看於人君
則又有論語中切近之文義即子曰禹吾無間然章是也上曰菲飲食而致孝
乎鬼神惡衣服而致美乎黻冕卑宮室而盡力乎溝洫之謂乎宗薰對曰然矣
此在泰伯篇而聖聰誦如己言臣實欽仰萬萬矣○上御熙政堂引見大臣備
局堂上大王大妃飭科獎及法司闕坐○以白殿鎮為慶尚右道兵馬節度使
○己未進講于熙政堂○庚申進講于熙政堂○辛酉上御熙政堂召見平安
監司朴晦壽統制使李鼎會大王大妃教晦壽曰本道素多弊癘雖非一朝一
夕之所可矯揀然道伯之下去者苟能各自誠心對揚則庶幾漸有實效也卿
若下去勿以本道為繁華毋忘民事誠心為之而且將有勅使之行守令申飭
亦當嚴明毋至生煩且此時一時為閔非但如是着念隨事毋忽可也又教昂
會曰統營海防重地三南要衝而近頗獎敗云下去後愛恤軍民誠心殫力也
○進講于熙政堂○以趙元錫為慶尚左道水軍節度使○壬戌進講于熙政
堂○癸亥進講于熙政堂○甲子進講于熙政堂○乙丑進講于熙政堂○丙

寅進講于熙政堂○中批以廣州判官金祖根為承旨○差下嘉禮正使前領議政南公轍副使朴岐壽以李儒常為慶尚右道兵馬節度使○設監試覆試于一二所居首金宗泰李獻九○丁卯進講于熙政堂○戊辰進講于熙政堂○中批以趙秉龜為戶曹參判○己巳進講于熙政堂○庚午召見全羅監司李憲球于熙政堂大王大妃教曰昨年本道年事雖不慘凶便是歉邊無一邑不受病云其責亶在於方伯守令而雖不必指的追究及今下去者若不寤寐着念克勤職任則更待何時而蘇弊乎因循挨過不思矯揉之方則安有朝家設置方伯之意哉嚴明黜陟詳察疾苦俾紓南顧之憂焉○夕講于熙政堂○辛未進講于熙政堂○壬申進講于熙政堂○癸酉進講于熙政堂○甲戌行三揀擇于通明殿○大王大妃以承傳色下教于賓廳曰大婚欲定於前承旨金祖根家卿等之意何如賓廳奉朝賀南公嶽領府事李相璠判府事沈象奎右議政朴宗憲啓言伏承慈教允協神人之望斯乃宗社臣民無疆之福臣等不勝忭賀之至○金祖根為領敦寧府事永興府院君妻李氏為韓城府夫人○上御熙政堂召見時原任大臣豐恩府院君永興府院君及時原任閣臣大王大妃命永興府院君進前教曰三揀已過六禮又消宗社之慶莫大於此見其舉止端重容貌完備尤不勝

欣幸之心而卿其一心謙約無替終始以今日之心與國同休則豈非家國之
幸乎金祖根曰國家億萬年無疆之休始基於此日臣民慶忭何可勝達而在
賤臣私分惟有慄愴而已不知所以仰達矣○進講于熙政堂○乙亥上御熙
政堂召見前平安監司李紀淵○丙子設三日製于泮宮○丁丑○三月戊寅
命嘉禮慶科以庭試為之○己卯○庚辰召見前全羅監司金興根于熙政堂
遞來也○辛巳○壬午○癸未上御仁政殿行納采禮○大王大妃命完城君
子李時仁封爵○甲申以金祖根為扈衛大將○乙酉上御熙政堂受生進謝
恩○丙戌○丁亥上御熙政堂引見大臣備局堂上右議政朴宗薰啓言嶺左
民勢違沒寔為諸道之寢蓋歲饑乏食綿荒無衣而賑救方舉庫既枵罄加以
癘疫漸盛死亡甚多昔在正廟朝兩南嘗值饑癘以道臣之不即登聞屢降嚴
教仍令無依者各別調恤於願領之前死亡人之無依者收瘞其熾息與否從
實狀聞憂民恤患聖念憧憧比豈非今日所當仰法乎請為先嚴飭道臣以某
邑方張某邑向蘇形止隨即啟聞而周恤收瘞之政悉心舉行期有實效大王
大妃從之教曰苟有益於民者自廟堂極力為之別厲祭當否星火關問於道
臣又教曰每以民勢之違沒上下徒有矜憫之空言終無救濟之實效良可憫

然雖於京司上納中變通劃給惟當急救其危亡之民何可慮後而不為此目下之急乎上無區劃之事而但飭道臣道臣亦何以為之乎毋論某事如有濟民之道子當不惜其捐費矣宗薰啓言歉歲過糶寔是不通之政商貨流行然後可以有無相資而近聞兩西諸邑頗多防穀處或有商船空還之弊云此不可不禁斷請以此意行會嚴飭大王大妃教曰各別嚴飭於兩道道臣大王大妃又教曰聞前箕伯之言贈參判韓浩運之孫已為年滿云初仕作窠調用事分付銓曹○戊子○己丑上御仁政殿行納徵禮○庚寅上御仁政殿行告期禮○辛卯以南履懋為吏曹參議○壬辰○癸巳召見回還冬至使于熙政堂○甲午月有食之○乙未上御仁政殿冊金氏為王妃○丙申○丁酉上行親迎禮于別宮○上行同牢宴于大造殿○戊戌上御仁政殿受賀頒教敕○己亥以尹命圭為司諫院大司諫○庚子大王大妃教曰皇天祖宗眷佑大禮順成坤極正位此實國家磐泰之基予心之慶幸嘉悅曷有其極其在廣慶覃恩之道不可無格外示意之舉各道舊還十萬石各貢舊遺在一萬石市民洋民徭役三十日並蕩減各道甲午以前拯勞米亦為一體蕩減以示與民同慶之意事分付○命嘉禮時進圭承旨趙秉鉉傳教官金興根加資以金履載為司

憲府大司憲○辛丑以李鼎臣為司諫院大司諫○嘉禮都監別單都廳兵曹
正郎尹致定副校理趙得林副使行大護軍朴岐壽加資○命宣教官李謙在
司饗正金在田加資○壬寅命嶺南別厲祭設行○癸卯○甲辰○乙巳○丙
午○丁未大王大妃教曰大禮順成采增感懷金忠獻公內外祠版翼憲公金
履素內外祠版並遣承旨致祭○四月戊申上詣仁政殿月臺親傳太廟夏享
香祝○己酉○庚戌式年文科覆試講經一所洪大奎二所盧鎮泰居首○辛
亥召對于熙政堂○壬子以徐憲淳為司憲府大司憲○上御仁政殿行春到
記講居首權命周製述賦居首金輔根並直赴殿試○召對于熙政堂○命武
科回榜人孫胤祖加資○癸丑○甲寅大王大妃教曰純宗大王御真戊辰小
本庚寅大本翼宗大王御真大本冕服本移奉于景慕宮望廟樓純宗大王御
真戊辰大本庚寅小本翼宗大王御真三本移奉于景祐宮誠一軒○乙卯東
堂生劃試金在瓘居首○丙辰○丁巳上御熙政堂引見大臣備局堂上大王
大妃教曰見今八路還逋無邑無之而逋欠所出專由於下吏為監司守令者
如或貪墨而先犯則何以禁止亦安有設置監司守令之意哉有勢之人每多
犯科而勿論只以無勢蔭武隨而責之非徒監司守令而已卿亦事事皆直乎

垂簾已為三年而尚未聞監司守令之論罪矣右議政朴宗薰曰如臣無狀承此下教無容仰達矣大王大妃教曰非獨卿之謂也舉世皆然矣宗薰啓言臣於向來三司諸臣事竊有所耿耿者職居言地事有可言而不言及其規警之來始乃引咎紛紜未免顛倒欠妥而其實事屬廉隅遠若自上揭令禁不得自達則亦非所以通下情體羣臣也大王大妃教曰子意豈欲設禁不過一時事卿之所奏異於予之本意也宗薰又啓言齋官分差各有定規聞邇來宗廟大祝間以未通清文臣填差云未知始自何時而格例則自別必是因循失檢而然此後則更無或如是之意另飭該曹請令政院隨時照察大王大妃從之○以徐耕輔為工曹判書李羲準為漢城府判尹具錫朋為京畿水軍節度使兼三道統禦使喬桐府使○戊午召對於熙政堂○給義州府燒戶恤典○己未上御春塘臺行式年文武科殿試文取林肯洙等四十一人武取朴載仁等一百六十三人○庚申上詣奉謨堂展拜○辛酉召對於熙政堂○壬戌○癸亥○甲子上詣月觀門曜金門純宗大王翼宗大王御真宙合樓演慶堂移奉于景慕宮望廟樓景祐宮誠一軒時親行祗送○乙丑上御仁政殿行文武科放榜○丙寅上御熙政堂受文武新恩謝恩○上展拜于景慕宮春謁也○丁

卯上御熙政堂召見三使臣

奏請正使金賢模副使趙秉鉉書狀官李源

及下直閭帥辭陞也大王

大妃教京畿水使具錫朋曰喬桐不但畿輔之重地又有牧民之責而近年以來饑饉荐臻重之以年前海溢凋弊太甚誠極悶然卿其往哉撫摩俾有實效可也又教曰水使謂非牧民之官多行掊克之政年來凋殘到處皆然軍卒獨非民乎且平時不能殫心愛護則設有不虞之警其何以望其盡力乎此子平昔所欲一言者而今始發之毋以入侍之劍談飭教聽之銘念奉公期有實效可也○以李紀淵為禮曹判書○戊辰○己巳進講于熙政堂○庚午進講于

熙政堂○辛未進講于熙政堂○壬申進講于熙政堂○癸酉進講于熙政堂

○召對于熙政堂○甲戌進講于熙政堂○乙亥進講于熙政堂○丙子進講

于熙政堂○五月丁丑進講于熙政堂○戊寅上詣仁政殿月臺親傳景慕宮

夏享香祝○進講于熙政堂○己卯進講于熙政堂○庚辰進講于熙政堂○

辛巳○壬午○癸未進講于熙政堂○甲申進講于熙政堂○乙酉進講于熙

政堂○丙戌進講于熙政堂○丁亥進講于熙政堂○戊子進講于熙政堂○

上御熙政堂引見大臣備局堂上大王大妃教曰今日次對之進定以亢旱之

故也間或有二三次驟雨而此不可以鋤犁論春牟則初云稍登矣旱氣一直

如此雖屢豐之餘猶難救濟而日日望霓尚靳一需夏至且不速祈雨祭不卜日設行可乎右議政朴宗薰曰夏至前特舉圭壁已多其例矣大王大妃教曰還通積弊果以未捧於民而然耶抑亦已捧而或為乾沒於吏輩而然耶宗薰曰春間受糶之民秋無不納之理間或大歉之歲往往有流離死亡之戶則又有洞里之徵民間之真箇逋欠者本自絕少所謂民逋舉皆吏逋之舞弄文簿畢竟歸之民名假使民未捧三分則其二分必是吏輩之奸也大王大妃教曰吏逋專在於守令而董飭守令惟在監司必須嚴明黜陟褒其善而黜其不善可也而不此之為則畢竟民受其害而罪不歸於守令民生誠可矜矣又教曰守令之論勘定配者被罪未幾而旋即宥還故尤無所畏憚矣又教曰雖需澤之後獄囚之中若有罪輕未放者則此亦為干和召災之一端矣刑判既登筵詳聽此傳教後大臣同為商確必須精審可也宗薰曰水旱固所時行唯民不困窮國有儲蓄然後方可以有備無虞而民窮財竭未有甚於此時聖人之言必以節用愛人為治國之本昔我宣廟嘗於郊幸進午膳及撤賜諸儀賓只水澆飯一器乾魚五六尾及醋醬淹菜而已若是而風俗安得不厚財用安得不裕乎夫財者本無二源帑藏府庫均出於民力今以崇儉節用為弭災之方雖

似迺遠然其所以上悅天心下奠民生亶不外此矣又伏念駙馬揀擇有命吉禮當在不遠祛奢從儉躬行導俗正在於是矣大王大妃教曰所奏儘至當矣當銘念服膺矣大臣在董率之地交相勉勵以變侈風是所望也○大王大妃命京外審理即為舉行○以朴岐壽為禮曹判書○己丑進講于熙政堂○庚寅行祈雨祭○進講于熙政堂○辛卯忠清監司沈宜臣畢賑狀啟公私賑各穀折租二萬七千二百八十八石零○壬辰進講于熙政堂○癸巳進講于熙政堂○召對于熙政堂○以金鑰為司憲府大司憲林翰鎮為司諫院大司諫○甲午進講于熙政堂○乙未○丙申○丁酉召對于熙政堂○上御熙政堂召見時原任大臣○忠清監司沈宜臣以大興郡掛書罪人成國老李鍾呂推覈後密啓國老以微嫌謀陷邑人使鐘呂作亂言不道說掛之衙門事覺并輪款時原任大臣力請令王府設鞫大王大妃教曰不必如是張大令道臣以大逆不道捧結案發遣府都事眼同益斬○戊戌召對于熙政堂○己亥召對于熙政堂○庚子○辛丑○壬寅以尹命圭為吏曹參判○癸卯進講于熙政堂○甲辰進講于熙政堂○乙巳進講于熙政堂○丙午進講于熙政堂○以俞星煥為吏曹參議徐左輔為成均館大司成鄭寂朝為奎章閣直閣金英根為

待教○六月丁未進講于熙政堂○大王大妃教曰圭璧纒舉冥應如響久旱之餘民事萬幸宗廟祈雨祭獻官以下施賞有差○戊申進講于熙政堂○己酉進講于熙政堂○庚戌進講于熙政堂○辛亥進講于熙政堂○上御熙政堂引見大臣備局堂上右議政朴宗薰啓言朝臣就理或有外任及在鄉之人每承待待命拿囚之命近來毋論道里遠近唯意稽淹經旬閱月法府不加何問罪罰無所加損律有奉制書稽緩者自笞五十每日加一等至杖一百之文此視制書稽緩不啻較重矣自今如有似此之弊本罪之外加等照勘之意請分付該府大王大妃教以大關紀綱之一端依所奏施行可也○壬子進講于熙政堂○以趙斗淳為弘文館副提學洪穉圭為江原道觀察使○癸丑進講于熙政堂○甲寅進講于熙政堂○乙卯進講于熙政堂○丙辰進講于熙政堂○丁巳進講于熙政堂○戊午進講于熙政堂○己未○庚申○辛酉○壬戌○癸亥○甲子○乙丑○丙寅行本館錄三點李是鍊金相稷李孝淳俞象煥李魯奎金炳韶李源庚朴承輝沈承澤徐耆淳洪永圭尹積申錫愚尹晚求金基績宋柱獻林肯洙金輔根取十八人○丁卯○戊辰○己巳○庚午○辛未○壬申大王大妃教曰每當都政所謂飭教不過為一場空言而已京外物

情倍加沸鬱六臘政期使人甚不好矣雖然守令與初仕生民休戚關係甚緊每緣銓官不能對揚而雖空言不得廢矣忠臣清白吏子孫及西北松都人祖宗朝之所各別軫念者軍功人不但子之躬親經歷之事先朝聖意之常所憐憫者今日繼述之政莫加於此兩銓仰體此意極為收用克思一分對揚之道

○都政下批以申在植為司憲府大司憲尹興圭為司諫院大司諫金英淳為成均館大司成○癸酉上御熙政堂召見守令邊將初仕人○甲戌以曹鳳振為司憲府大司憲○乙亥○七月丙子慶尚監司尹聲大畢賑狀啓公私賑救急飢民一百一十一萬四千九百七十一口各穀十三萬九千六百十八石○丁丑○戊寅○己卯以權敦仁為兵曹判書○庚辰上御熙政堂引見大臣備局堂上○以申在植為吏曹判書○辛巳召見下直守令于熙政堂○以李完植為右邊捕盜大將○壬午○癸未○甲申○乙酉○丙戌○丁亥召見江原監司洪穉圭于熙政堂辭陞也大王大妃教曰卿今辭陞矣東民困瘁列邑凋殘向有數條措處者實出于斷斷為民之苦心而追後聞之則似有同異之論云卿須體予至意下去後如有益於民而可以施行者隨事啓請則廟堂亦當量宜為之期有實效而勿為目前彌縫殫竭誠力俾無朝家東顧之憂也○設七

夕製于泮宮○戊子召見入格儒生于熙政堂○己丑○庚寅○辛卯○壬辰
○癸巳召見前江原監司韓益相于熙政堂遞來也○甲午○乙未○丙申○
丁酉○戊戌○己亥○庚子○辛丑上御熙政堂召見大臣戶惠備堂為勅奇
也○差下沈能岳遠接使金道根館伴能岳尋遞以金鏐代之○以趙冀永為
吏曹參判洪命周為漢城府判尹○壬寅○癸卯○甲辰大王大妃教曰見北
伯狀啓南北關賑事似已畢矣向來以鏡城賑恤絕巡事判官雖狀罷道臣豈
可免不能察飭之罪今已畢賑不可一向參怒咸鏡監司洪敬謨施以譴罷之
典○乙巳以徐耕輔為咸鏡道觀察使○八月丙午○丁未大王大妃教曰今
年即宣廟丁酉舊甲而天將撻伐之績百世不可忘宣武祠征東官軍祠違奉
旨致侑因此思之本朝殉義諸臣實難俱舉而此時南原之役尤切興愴本府
誕報廟及忠烈祠遣道內秩高守令一體致祭○以李義準為工曹判書○戊
申○己酉召見遠接使金鏐問禮官洪說謨于熙政堂辭陞也○庚戌○辛亥
○壬子○癸丑○甲寅○乙卯○丙辰○丁巳○戊午德溫公主下嫁于南寧
尉尹宜善純宗大王第三女也○己未給高靈縣漂額戶恤典○庚申召見回
還三使臣于熙政堂○辛酉○壬戌上御熙政堂引見大臣備局堂上大王大

妃教曰封典順成奏請正使金賢根田二十結奴婢七口賜給副使趙秉鉉加
資田十結奴婢五口賜給書狀官李源益加資田五結奴婢四口賜給○德溫
公主嘉禮廳都廳韓鎮庭加資○癸亥○甲子禁衛營以火藥偷竊罪人林昌
赫梟首警衆啓○乙丑○丙寅○丁卯○戊辰○己巳○庚午設翰林召試于
仁政殿曹錫兩趙道淳趙徽林李時愚被選○辛未○壬申○癸酉○甲戌上
展拜于太廟景慕宮秋謁也中宮殿行廟見禮仍詣景祐宮展拜○乙亥○九
月丙子設九日製于泮宮賦居首曹錫斗等十人並直赴會試○以金履載為
刑曹判書○丁丑○戊寅召對于熙政堂○大王大妃教曰九日製給分儒生
並付原榜末使之應講後許赴會試○己卯○庚辰○辛巳○壬午○癸未以
金洙根為成均館大司成李亨權為慶尚左道兵馬節度使○甲申○乙酉○
丙戌○丁亥上詣仁政殿行迎勅宣詔儀詔曰皇帝勅諭朝鮮國王覽王奏稱
叨襲藩服壹職不備念宗祀之重循臣僚之請納永興府院君金祖根女為正
室陳奏請封朕以典禮攸關特允所請茲遣正使散秩大臣繼勇侯倭什訥副
使內閣學士兼禮部侍郎銜明訓齋捧誥命封金氏為國王妃佐理內治並賜
綵幣等物惟王暨妃共懋肅雍和琴瑟而衍慶彌深忠敬鞶帶礪而承麻欽哉

母替朕命故諭誥命奉天承運皇帝制曰承麻綦服固惟辟之仔肩翼運匡猷
實賢媛之助燉故芳徽懋著職無忝於宜家斯綸綍遙頒典特隆乎正內爾朝
鮮國王李 妻金氏秀毓華宗德嫺嬪則勵蘋蘩溫清之節肅穆為儀秉鷄鳴
儆戒之心恪恭成性念爾屏藩累世罔懈忠貞矧茲壹德勤修宜膺寵命茲特
封爾為朝鮮國王妃襄敬共於無怠著柔順於不違庶增伉儷之光永篤邦家
之慶欽哉勿替朕命計開蟒緞二疋粧緞四疋錦二疋倭緞二疋帽緞二疋素
緞二疋大緞三疋石青緞二疋彭緞三疋紗四疋紡紗四疋道光年月日○接
見上副勅仍行宴禮○戊子召見咸鏡監司徐畊輔于熙政堂辭陞也大王大
妃教曰北道本是豐沛重地朝家軫念與他道自別連值歉荒賑政才畢未知
道臣及守令能盡心為之仰體朝家軫念之意而且深北王化未及之地為守
令者惟事推剝之政不顧顛頽瀆死之民命卿於下去後多歧廉探若有泛忽
賑政無良不法之類一一摘發論勘而如或有拘於顏私之弊子亦當聞之雖
以卿言之非但辜負朝家而已以何面歸對乎畊輔曰傳聞本道事勢才經賑
政瘡痍未蘇臣且才識不逮恐負慈教誠為悚惶矣大王大妃教曰卿必善為
之而每事期欲善為則必無未善為之之理欲善為而設或未盡其害還小卿

其揚念對揚以紓九重北顧之憂○己丑○庚寅○辛卯○壬辰○癸巳○甲午○乙未上展拜于毓祥宮延祐宮宣禧宮藏譜閣懿昭廟○丙申○丁酉上詣真殿行茶禮○戊戌召對于熙政堂○己亥進講于熙政堂○召對于熙政堂○庚子進講于熙政堂○上御熙政堂引見大臣備局堂上右議政朴宗薰堂草記之後紛然來呈舉措顛倒畢竟無粘移者亦為近十邑守令之受由上京也本道成送粘移郵吏修納成冊以為考準檢察即是定式從前筵飭不翅申嚴而道臣多不致察守令狃於自便朝令終歸弁髦民事無難擔閣分付該曹自今申明郵吏成冊之規憑考粘移日子之限其有違越隱漏者守令劃即論罪如或從他入聞無糾舉該曹亦難免不察之責請以此嚴飭中外大王大妃從之宗薰曰今番庭試講經一切蕩然適足為羣儒解體之資二所至有挾冊應講者雖云追覺而拔去其不能照察諸試官重推臺試則坐在帳外職專糾察不可但以溺職論并施以譴削之典何如大王大妃從之仍教曰有講無講科獎同然何以則為好耶每經一番科試輒有如此之所聞誠極羞耻也吏曹判書申在植啓言見今蔭仕虐司果之積滯挽近最多矣社稷署令曾因槻

院叅上未通清者之積滯一窠以文臣差除矣近則槐院別無積滯之患蔭仕則每患苟艱權作蔭窠恐合事宜請詢大臣處之大王大妃從之○辛丑進講于熙政堂○召對于熙政堂○壬寅進講于熙政堂○癸卯進講于熙政堂○甲辰進講于熙政堂○十月乙巳進講于熙政堂○丙午上詣仁政殿親傳太廟冬享香祝○進講于熙政堂○丁未進講于熙政堂○戊申咸鏡監司徐畊輔馳啓前月二十八日有賊犯濬源殿御容綃面片碎狼藉大王大妃召見時原任大臣禮堂國舅因禮臣所奏遵仁祖朝集慶殿宣祖朝智陵陵上失火時例命舉哀變服三日哭而止減膳撤樂違大臣禮臣馳往奉審竄地方官永興府使徐念倅罷觀察使徐畊輔尋以畊輔到營屬耳仍之又命宗廟當室及濬源殿行慰安祭集慶殿即國初太祖幘殿也○上詣明政殿庭舉哀○命明再明日舉哀自內為之百官入叅置之○中批以李紀淵為禮曹判書仍差按覈使○己酉中批以趙寅永為戶曹判書○庚戌○辛亥進講于熙政堂○壬子進講于熙政堂○癸丑○甲寅召對于熙政堂○乙卯上御春塘臺行慶科庭試文武科殿試文取徐有薰等十人武取金啓嶂等二百十七人○丙辰○丁巳召對于熙政堂○伴送使李憲璋狀啓回勅時安州問安中使鄭喜常濫率

伴倘作樊多端隨來之別監亦誅求浩汗不勝騷擾雖以上勅時中使申寬吉言之自平壤至安州載妓而行則外他犯科可以反隅請令該府拿問嚴勘伴

倘與隨來別監移送刑曹照律嚴繩從之○戊午○己未進講于熙政堂○召

對于熙政堂○庚申進講于熙政堂○召對于熙政堂○辛酉召見冬至三使

臣于熙政堂正使朴綺壽副使金辭陞也○進講于熙政堂○召對于熙政堂

○壬戌上御仁政殿行庭試文武科放榜○進講于熙政堂○召對于熙政堂

○癸亥進講于熙政堂○上御熙政堂受文武新恩謝恩○按覈使李紀淵以

澹源殿作變罪人元大益取服馳啓命發遣府都事倍道具格拿來囚大益定

平人初以偷竊器用之心潛入殿門誤犯御幘紅索隨手墜下翻轉之際至有

片碎之變收撤殿內器用包裹將出忽心動徊徨為殿僕所捉○甲子大王大

妃教曰領府事李相璜知事李止淵拜相○以趙秉鉉為刑曹判書○進講于

熙政堂○乙丑設秋到記于仁政殿講居首卓景秀製述表居首金益文並直

赴殿試○進講于熙政堂○丙寅召見入格儒生于熙政堂○進講于熙政堂

○丁卯進講于熙政堂○戊辰進講于熙政堂○己巳進講于熙政堂○以洪

學淵為吏曹叅判趙秉憲為成均館大司成○庚午進講于熙政堂○辛未進

講于熙政堂○壬申進講于熙政堂○癸酉進講于熙政堂○甲戌進講于熙政堂○召見濟源殿奉審大臣禮堂左議政朴宗彙禮曹判書李紀調于熙政堂命奉來舊本

移摹于光明殿設都監舉行宗薰啓言武臣乘車在所必禁而相禦邊鎮之有馬牌許騎驛者偏尚此習非車不乘以不服習之馬駕極粗重之車纜經一行

必斃乃已夫險程驅車何異陸地行舟西北驛路之日就凋弊職由於此今行所見驛站馬卒之不成樣視年前倍甚自今相帥以下守令邊將若有乘車者

許令郵官報營一一啓聞施以濫騎之律從之○大王大妃命關北舊還米癸未前未捧一萬六千四百餘石蕩減從左議政朴宗薰所奏也○大王大妃命

智陵淑陵位田浦落處令道臣修築○十一月乙亥進講于熙政堂○以任聖臯為咸鏡北道兵馬水軍節度使○設庭鞫于內兵曹元大益凌遲處死○兩

司聯劄略曰從古惡逆何限而豈有如今番大益之窮天地至凶絕悖者乎臣等今於鞫坐目見其犍頑之狀耳聞其凶厲之供雖使手礮口鬻千劄萬戮不

足以稱其罪也第念此賊所犯即是亘萬古所無之凶逆則所施之律不可但以孥戮而止矣今日之所可擬者唯有适雲已行之例而已縱無加於此之極

律而斷不可減於此而處之也批以有加於此之律尚欲用之况已用於适雲

之律乎所請依施大王大妃命濬源殿令朱欽哲臧死烏配韓樂洙遠配○丙子進講于熙政堂○丁丑進講于熙政堂○戊寅進講于熙政堂○己卯進講于熙政堂○庚辰進講于熙政堂○禮曹啓言今此濬源殿影幘舊本奉來時應行節目就議大臣參酌磨鍊請令各該司及三道監司依此舉行節目十一

月二十六日晚頭先行濬源殿發給奉告由祭後同日卯時陳神輦於正殿戶外備訖進發王宿所經次前職司奉影幘安於輦次內卓床上翌日進發直宿所奉安並如上儀神設請事令各道監司預備舉行一大臣禮曹堂上本殿令各一員以黑團領陪從地官舉儀仗各長備軍人所着服色亦令兵曹參酌及挾筆軍等節令兵曹稟旨舉行儀仗各長備軍人所着服色亦令兵曹參酌磨鍊下送十次替運一神輦侍衛別監以本殿守候二人具巾服舉行各道擔陪軍等十次替運一神輦侍衛別監以本殿守候二人具巾服舉行各道修治鋪黃土一畫旉所應差備軍人亦令各道守候二人具巾服舉行各道殿後許令使客入殿若非邑站則當設帳下亦令各道排設於東上房宿所經次所柱芙蓉香每站二雙式令內醫院量數下送一令各道排設於東上房宿所經次去一梓榮到三道界奉安畫停所或宿所本道監司及各務差使員以下以黑圓領大門外肅拜一時急公事傳致時掖馬知委一儀軌及文書載持馬一區臣兵曹題給一此道監司舉舉行○辛巳進講于熙政堂○壬午進講于熙政堂○癸未進講于熙政堂○甲申進講于熙政堂○上御熙政堂引見大臣

備局堂上○正言李源祚疏曰目今生靈之塗炭已在十分倒懸之中必欲坐待君德之成而方有所施為則予遺殘民將盡尋於枯魚之肆而明年大椀不

托無及於雪裏凍死之命矣臣請以耳目所覩為殿下痛哭流涕而陳之臣所居嶺南即古稱衣食之鄉數十年前前州里墟井之間室屋連比富家饒戶參錯於其間而假貸傭作之民皆有所賴而為生矣近年以來連值大歉飢饉之餘重以癘疫近峽沿海之邑被禍尤酷昔之居民什無一二而良田美土蓬蒿溢目所餘殘民欲農則無糧欲商則無貨欲去則溝壑在即欲留則產業俱空而陳荒之稅尚存久逋之還猶督昔之十人之賦今則一人當之前之十家之糶今則一家納之始而殘戶亡次而中戶破終而饒戶竭其勢必盡無而後乃已一邑如此一道可知一道如此一國可知民生至此殿下其將何恃而為國乎是豈可諉之於水旱天災之適然而玩愒而止牽架而已乎臣嘗求其所以致此之由與其所以救之之術不過曰奢侈之不禁也貪墨之不懲也服飾之華美器玩之竒裘居處飲食之無節年增歲加轉相慕效鄉村而效京洛韋布而效縉紳賤而效貴貧而效富舉世靡然無有限極財安得不匱民安得不困也宰相名士以其奢侈之故不得不受人問遺方伯守宰以其問遺之故不得不變其操守鞭靴不已今至苞苴常祿不足今至誅求於是乎上下相蒙內外交征為今日計如欲去貪墨先絕問遺如欲絕問遺先禁奢侈四者相因而奢侈

二字實受病之源也臣固知今世士夫習奢已久難於入儉而屏一時耳目之娛為萬世民國之計亦何苦而不改何憚而不為哉夫然後明詔廟堂嚴立科條申嚴職律獎選清白飭銓官而勿循常格遺繡衣而時行澄汰使廉吏有所勸貪吏有所畏亟下哀痛之詔庸慰瀕死之民可獨者蠲之可減者減之以此立法行之十年而民不阜國不裕則臣請伏妄言之誅矣伏惟我慈聖殿下愛民之仁浹於肌髓每有民戶燒滄之報輒命別加顧恤於原典之外使之莫接不至失所百姓聞此莫不掩泣加額欣欣相告然燒滄死者事非常有故有則必上聞飢餓死者不勝其多故下不得盡達殿下若以其已聞者推之於未聞恤小者廣之於多民則此正孟子所謂仁之術而生民其庶幾矣批曰爾言切中時弊深庸嘉乃當常目不忘矣○乙酉進講于熙政堂○丙戌○丁亥召見時原任大臣閣臣藥房提調豐恩府院君永興府院君于熙政堂承候也○戊子進講于熙政堂○己丑進講于熙政堂○庚寅進講于熙政堂○辛卯進講于熙政堂○壬辰進講于熙政堂○以趙冀永為忠清道觀察使○癸巳進講于熙政堂○以金道根為禮曹判書曹鳳振為工曹判書李紀淵為司憲府大司憲○甲午進講于熙政堂○乙未進講于熙政堂○丙申召對于熙政堂○

丁酉召對于熙政堂○戊戌召對于熙政堂○己亥召見時原任大臣禮堂及

豐恩府院君子熙政堂

奉朝賀兩公獻頌議政李相璜領府事沈象奎左議政朴宗薰豐恩府院君趙萬永禮曹判書金道振參議金

善請對也相璜曰今日即明年之亞歲也明年即我大王大妃殿下光躋五旬

之歲也謹按邦禮慈聖五旬六旬之年進冊稱觴上告下布遂成彞典臣等之

今日登對將以仰請成命以為舉行之地矣大王大妃教曰向來尊號非但為

國典子與孫既升大位此上天眷顧之仁祖宗積德之蔭雖以子積傷之懷絕

悲之情不能不周思而聽從今茲所請之事果何所當乎諸大臣迭奏其不當

謙抑之義大王大妃教曰以大殿處地言之今日則每事固當隨子指導而為

之而雖春秋鼎盛之時子所不欲為之事為子孫而承順父母之志是為大孝

必欲強子之不欲為者豈悅於子心而違親之志是果為養老之道理乎大殿

必當體子之心卿等更勿多言又教曰所不欲為之事必欲使之受之者似欲

為悅子而然而豈為悅子之道乎且子之志大殿春秋鼎盛國家太平子亦

壽躋六七十歲而大殿欲為此舉則情理所在子且無斷斷必辭之心矣又教

曰如以子言為不當則須書以傳後曰有如此如此之事女君不識事體立其

不當之固執云爾則後考者亦不過笑子之固執而已有何虧損於聖孝乎又

教曰予本多膈火心不合則非但過於沸鬱氣輒上升實難堪耐矣上曰上號

進饌慈教如是懇惻不敢不承順而告布之節謹依正廟甲寅已例舉行○庚

子○辛丑○壬寅○癸卯進講于熙政堂○十二月甲辰進講于熙政堂○乙

巳進講于熙政堂○以李憲璋為司憲府大司憲○丙午進講于熙政堂○丁

未進講于熙政堂○戊申進講于熙政堂○己酉○庚戌太祖大王影幀至自

永興奉安于慶熙宮之光明殿上詣敦化門外祇迎○召見大臣禮堂于熙政

堂右議政李止調禮濬源殿影幀舊本陪奉入來也止淵啓言肅廟戊辰慶基

殿御容奉來時因陪從大臣所奏有沿路各邑大同蠲減之舉今番三道諸邑

民力之勞悴倍於戊辰不可無別般軫恤若特降處分則庶為繼述之道矣大

王大妃教曰筵退後量宜酌定更稟○辛亥進講于熙政堂○壬子進講于熙

政堂○癸丑進講于熙政堂○上御熙政堂引見大臣備局堂上領議政李相

璜啓言臣嘗聞故相臣李元翼九耄告退而還也惓惓於前席者惟以擇守令

為獻謹稽國朝故事有令吏曹抄錄善治人姓名入啓之時有大臣備堂各薦

二三人之時有諸卿宰各薦一人作帖書入之時此皆出於為揀其時之弊而
亦不無其時之效矣臣意則令備堂及曾經道臣各薦已試有績之人各數三

人自吏曹聚錄列書庸備御覽一件則令置政曹以為隨窠調用之地則恐或有目前實效故敢達矣大王大妃教曰所奏甚好左右相兩銓之意皆然依為之擇守令固好而次知守令之道臣擇送尤為切要此則專在廟堂矣相璜啓言月前伴送使有論啓中官事而繼又有領府事論奏矣當初重臣論啓若無賭聞之實狀則豈有是也以其心則出於抑近習念邑弊之意誠宜嘉尚而開納之矣畢竟謹何止於薄罷至於大臣尤朝家之優禮也當日所奏實出忠欵而只承論未蒙開允從此類之縱恣橫濫將何所知懲乎古先哲王之御此類操束於未然之前摧遏於方萌之初俾各小心不至大戾此類若知所警戢不以前孽之倖逴為喜而常以更犯之難贖為懼則亦未嘗不為此類之福矣大王大妃教曰所奏好且是矣當留念矣兵曹判書權敦仁啓言西北松都人之許通宣薦俱係朝飭不必異同而關西松都人間多施行惟彼北關尚不舉論矣自今臘薦為始以有地處才器者另飭抄薦以為疏鬱之方恐合事宜從之○甲寅進講于熙政堂○以朴齊聞為吏曹參判○給衣薄軍兵及流丐恤典○乙卯進講于熙政堂○以洪敬謨為禮曹判書○丙辰進講于熙政堂○丁巳進講于熙政堂○戊午進講于熙政堂○己未進講于熙政堂○庚申

進講于熙政堂○辛酉進講于熙政堂○備局啓言觀此咸鏡監司徐畊輔狀啓則咸興前判官李穆遠永興前前府使李鎮華吉州前牧使申紹茂山前府使梁宣洙慶興府使李秉吉穩城前府使李光龍賊汚狼藉矣令該府嚴問捧口招不能刺舉之前道臣洪敬謨施以譴削之典允之尋因府謙穆遠等六囚并島配○壬戌進講于熙政堂○癸亥進講于熙政堂○甲子○乙丑行藥院入診于熙政堂召見忠清監司趙冀永辭陞也大王大妃教曰國計艱虞民生倒懸未有甚於此時而況湖西一道荐經大歎凋殘困瘁非他道比以卿愛君之誠似當旬宣一方盡心對揚矣向來止伯論墨倅狀啓卿亦見之否冀永曰見之矣大王大妃教曰近來貪墨大行民不支保止道守令若此則他道亦皆推知守令臧否一一覈按隨聞論勘且聞追大同引等之弊轉成痼瘼莫可革云須悉心矯揉俾有實效以副朝家軫念之意也每於道伯下去時飭諭非止一再而便成例套未見實效此豈對揚之道乎卿則善為下去恪勤奉職可也○大王大妃教曰止道諸倅中或慮有罪而不入於狀聞中矣今聞右相言路過安邊時以前倅事有民訴云民訴果有實狀而該倅獨為倖逭則是豈朝家刑政而亦豈道臣對揚之本意乎安邊前府使尹滋畊罪犯有無令道臣更

為嚴查登聞事自廟堂分付後因道啓亦島配之○丙寅行柑製于泮宮表居
首李玄文直赴殿試○丁卯都政下批以宋稚圭為司憲府大司憲尹致謙為
司諫院大司諫徐箕醇為成均館大司成○戊辰○己巳○庚午召見前忠清
監司沈宜臣于熙政堂遞來也○辛未○壬申○癸酉京兆獻民數五部及八
道都元戶一百五十八萬一千一百六十二戶男三百三十二萬五千三十二
口女三百三十萬七千六百九口濟州三邑都元戶一萬七百八十九戶男三
萬五千一百九十四口女四萬七百三十七口

憲宗經文緯武明仁哲孝大王實錄卷之四

斗太二萬三千五百二十三石六斗九升皮
雜穀三萬六千九百七十六石十斗六升
○己丑○庚寅○辛卯盜入砥平

縣社稷壇斫位板及酌坵木籩命竄地方官李縉在○壬辰○癸巳○甲午○
乙未大王大妃教曰此人之疏舉朝聲討以語犯莫重至於設鞫島配然其言
則果切是之言也其曰輔幼攝國治日少亂日多災異警告丁寧觀形察影必
有所由者雖未知旨意之何居而在子則誠藥石也且今歲月稍久合有參量
之道楸子島安置罪人姜時煥特為放送喉院三司時原任大臣力請反汗不
從以臺啓方張金吾不得舉行○丙申○丁酉○戊戌○己亥○庚子○辛丑
以金緯為吏曹參議○壬寅左議政朴宗薰疏辭相職許之○二月癸卯進講
于熙政堂○以閔致成為成均館大司成○甲辰進講于熙政堂○乙巳進講
于熙政堂○丙午進講于熙政堂○丁未召對于熙政堂○戊申○己酉○庚
戌召對于熙政堂○辛亥上詣太廟景慕宮展謁景祐宮展拜春謁也○壬子
○癸丑教曰濬源殿御真移摹今將還奉此實國家莫大之慶典而追惟我太
祖大王睠顧豐沛之聖念豈無此時識喜之舉止道道科除初試以秋間擇日
設行試官以道臣為之專分付○甲寅○乙卯資憲大夫司憲府大司憲兼成
均館祭酒宋稚圭卒教曰宋祭酒以林下宿德久被先朝之禮遇而予小子嗣

服以後尚未遂招延之誠方切歉悵之中今聞逝音不勝傷盡之至喪葬等需
令該曹照例舉行造墓擔持軍亦令本道題給稹圭時烈之後少從金斗默學
斗默號過齋有經術行能坐斗恭收司律削儒逸籍稹圭以師誣未白屢徵不
起大臣奏復斗默職開其進身路稹圭益堅守自修固窮力學老而彌篤謚文
簡○丙辰進講于熙政堂○以李光文為司憲府大司憲洪敬謨為漢城府判
尹○丁巳進講于熙政堂○戊午進講于熙政堂○己未進講于熙政堂○庚
申以李惟秀為左邊捕盜大將○進講于熙政堂○辛酉進講于熙政堂○壬
戌進講于熙政堂○癸亥進講于熙政堂○甲子太祖大王影幘移摹訖上詣
光明殿行酌獻禮贊禮以下施賞有差執禮李敦榮大祝尹致秀承旨李魯妻
并加資○乙丑進講于熙政堂○丙寅進講于熙政堂○摹寫都監都提調以
下施賞有差提調曹鳳振都廳洪說謨成原默并加資○丁卯進講于熙政堂
○大王大妃命都監都提調堂郎以下各賜表裏一襲○戊辰進講于熙政堂
○己巳太祖大王影幘進發上詣敦化門祇送召見大臣以下于熙政堂判府
宗室禮曹判書鄭元宗兵曹判書李時憲影幘陪從出去也○庚午進講于熙政堂○
尹致謨承旨徐箕淳檢閱李時憲

辛未上御仁政殿行春到記講居首申泰運製述表居首沈敬澤並直赴殿試

○壬申進講于熙政堂○上御熙政堂行藥院入診引見大臣備局堂上領議政李相瑣曰臣等自姜時煥事處分以後驚惑憂恐至今有不能自解於心者伏見前後慈教抑以有言事之名有所顧惜而包假之耶慈意攸在庶可仰揣然君上之優容言者固聖德美事而亦未嘗無可容不可容之別狂妄可容也諷刺可容也訐揚可容也雖至於誹謗無非聖世之所當容而惟陽假借而陰包藏者決不可容彼時煥之疏直是陽假借而陰包藏之凶醜亂徒也前乎渠者已有如是之凶言後乎渠者已有如是之凶言線索互牽牴牾相通自煥裕至於膺彥種下生種轉輾至此惟願更加三思特稟東朝俾義理之大防不至所壞沸鬱之羣情得以少慰焉大王大妃教曰年前處分時既有上下酬酢更無可言而其時設鞫非予本意以語犯莫重故不得已從之矣鄉谷老悖之物何足深責必是怨國不逞之徒指使慫恿而然渠則不過使令也窩窟既不能劈破但治使令之時煥則有何益乎既知其無益則雖有十時煥於放釋何有哉予意匪出於顧惜言事者欲其要譽也卿勿更煩也○命永興等五邑今年當納大同蕩減○三月癸酉進講于熙政堂○甲戌進講于熙政堂○乙亥進講于熙政堂○丙子進講于熙政堂○以李寅泰為吏曹叅判○備局啓言關

白承襲致慶島主還島問慰既有已例渡海譯官依狀請令該院差送書契禮單與盤纏分付該曹該道使之照例磨鍊至於島主子休暇還島之請以問慰雖接四去丙申之請伊時因其信行之謹來恩出特旨實係罕有今不容無端輕許請令倅臣嚴飭任譯申加責諭俾毋敢更事煩聒從之○丁丑進講于熙政堂○戊寅進講于熙政堂○己卯進講于熙政堂○庚辰進講于熙政堂○以金鍵為忠清道水軍節度使○辛巳進講于熙政堂○壬午進講于熙政堂○癸未進講于熙政堂○夜一更地動○甲申進講于熙政堂○乙酉進講于熙政堂○丙戌進講于熙政堂○大王大妃教曰守令別薦人隨窠差送事分付銓曹○丁亥進講于熙政堂○召見影幘陪從大臣以下于熙政堂濟源殿還奉安後入來也○以吳一善為慶尚左道水軍節度使○戊子進講于熙政堂○召見回還冬至三使臣于熙政堂○影幘陪進大臣以下施賞有差分承旨徐箕淳加資○己丑進講于熙政堂○庚寅進講于熙政堂○辛卯進講于熙政堂○壬辰○癸巳○甲午上詣儲慶宮毓祥宮延祐宮宣禧宮展拜中宮殿一體展拜○乙未領議政李相瓚再䟽辭相職許之○丙申召對于熙政堂○以金鼎集為成均館大司成尹永培為慶尚左道水軍節度使○丁酉○戊

戊○己亥進講于熙政堂○庚子進講于熙政堂○辛丑進講于熙政堂○以
金陽淳為司憲府大司憲李景在為司諫院大司諫○四月壬寅上詣仁政殿
月臺親傳太廟夏享香祝○以朴綺壽為司憲府大司憲李能權為黃海道水
軍節度使○癸卯○甲辰上詣永禧殿行酌獻禮執禮鄭德和大祝金公鉉加
資○命武一兩初試罷場試官并削職作拏舉子遠島充軍○乙巳○丙午上
御熙政堂引見大臣備局堂上○丁未○戊申○己酉○庚戌○辛亥○壬子
○癸丑○甲寅上詣文廟行酌獻禮○備局啓言今番庭試武二兩設場之時
初不能禁戢雜亂出榜之際又不能一遵規例况入啓之榜目經日久滯外間
之謗本先時已播似此科體曾所未聞當該諸試官并施譴削之典監試官之
無兩糾正難免失職請并罷職從之○乙卯以南錫圭為忠清道兵馬節度使
○丙辰行藥院入診于熙政堂右議政李止淵啓言臣以今番武科試兩事纔
已請勘諸試官矣蓋試兩穰亂之弊固在於舉子而若其倡徒設計助勢作拏
恠舉悖習無所不有專由於先進武弁輩之為其後援故臣庶得其尤甚三人
姑先分付停望而慢蔑國法壞亂試場豈名以朝官者兩可為乎前郡守李楨
植前中軍金性浩監察宋觀和請并令該府拿問嚴勘各別懲勵大王大妃從

之○丁巳○戊午上御春塘臺行庭試文武殿試文武取李晦榮等十一人武取趙豐林等二百八十二人○己未○庚申上御春塘臺行三日製賦居首張仁遠表居首李又新並直赴殿試○辛酉○壬戌上御春塘臺試謁聖文武科仍放榜文取李寅奭等三人武取鄭尚燮等七十一人○以朴著會為忠清道兵馬節度使○癸亥上御熙政堂受文武新恩謝恩○甲子○乙丑○丙寅上御仁政殿行庭試文武科放榜○中批以新及第金左根為副校理朴岐壽為兵曹判書金蘭淳為刑曹判書○丁卯上御熙政堂受文武新恩謝恩○戊辰○己巳○庚午○辛未上御熙政堂引見大臣備局堂上右議政李止淵啓言請量減外邑吏額從之又啓言自古懲貪之法不在治逆之下庶覈之道惟在繡衣而若不擇送反不如不送各別擇人以送○閏四月壬申進講于熙政堂○召對于熙政堂講史略○以鄭基善為漢城府判尹○癸酉進講于熙政堂閣臣鄭元容曰昨日召對開講史略甚好矣講規何以為之乎上曰使諸臣讀奏矣元容曰上番王堂讀奏之後諸臣次次連續讀之乎使之輪讀上番所讀之文乎上曰使之輪讀上番所讀之文矣元容曰不釋義以奏乎上曰然矣元容

曰雖不釋義殿下皆領會其旨義乎上曰多未解其義處矣元容曰讀書所以求其知矣上番讀奏後使之一番釋義詳細仰奏後又使之輪回熟讀好矣上曰如進講時釋奏則為好乎元容曰然矣上曰此後當如此為之○甲戌進講于熙政堂○乙亥進講于熙政堂○丙子進講于熙政堂○丁丑進講于熙政堂○戊寅進講于熙政堂○以尹聲大為吏曹叅判○己卯進講于熙政堂閣臣鄭基善曰臣等辰初詣閣已未始蒙引接伏未知自內有何視事致此開講之過時而臣僚延接禮貌本自不然且失朝氣清明之時正值晝熱熏烘之際不但有妨於講讀恐有損於節宣之方伏願自明日待座目單子入呈即賜召接以為正時開講之地焉○庚辰進講于熙政堂○辛巳進講于熙政堂○壬午進講于熙政堂○以洪學淵為京畿觀察使○癸未進講于熙政堂○甲申進講于熙政堂○純宗大王實錄成○乙酉進講于熙政堂○丙戌進講于熙政堂○丁亥進講于熙政堂○戊子進講于熙政堂○己丑進講于熙政堂○庚寅進講于熙政堂○辛卯進講于熙政堂○實錄捻裁官以下施賞有差都廳堂上講于熙政堂○甲午進講于熙政堂○實錄捻裁官以下施賞有差都廳堂上申在植都廳沈宜升徐元淳趙雲澈南獻教並加資○命副修撰姜時永加資

以史局仕進久勤也○乙未進講于熙政堂○丙申進講于熙政堂○丁酉進講于熙政堂○戊戌進講于熙政堂○備局啓言江界馬馬海鎮將昨年秋為彼人縛去之說非但風傳已久至有其家人訴牒故發關本道使之行查則雖與傳言不無參差而可知本事明有根因矣該倅已有道啓論勘而雖以巡兵營言之事出部內經歲掩置其時道帥臣並施以譴罷之典大王大妃教曰事未前有萬萬驚歎此事奏聞當否時原任大臣爛熳商議後日次稟定○中批以金祖根為搃戎使○己亥進講于熙政堂○以鄭基善為平安道觀察使○咸平縣社稷神位板為乞兒所燒命造成奉安議律當否令大臣裁量以聞以其年幼次律施行○以徐憲淳為漢城府判尹○春秋館啓言純宗朝時政記及實錄初草中草初再見洗草于遮日巖○庚子進講于熙政堂○五月辛丑召見慶尚監司權敦仁于熙政堂辭陞也○壬寅上詣仁政殿月臺親傳景慕宮夏享香祝○癸卯○甲辰○乙巳○丙午命祈雨祭不卜日設行○丁未○戊申○己酉○庚戌○辛亥○壬子○癸丑上御熙政堂引見大臣備局堂上大王大妃命謁聖庭試武科初試依增式例自各道試取右議政李止淵啓言先朝丙戌大臣以各道都試沒技者更為比較取高等一人之意有所筵奏行

之一年旋復寢閣伊後沒技之濫雜比其時尤倍此是英廟癸亥所已講定者到今援故事而復近規不害為隨時弛張請申明知委於各道以為自今秋遵行大王大妃從之大王大妃命諸道抄薦經行才學之士止淵啓言日前吏曹隸事誠不勝萬萬驚慄渠輩身帶官役乃敢聚黨肆凶白晝行殺於禁門咫尺之地况捕校之自秋曹發牌者要路奪去以至此境豈非亂民劫囚之習乎首犯漢出付軍門梟首警眾其餘同惡諸漢待秋曹查出亦令嚴棍遠惡地充軍吏判則草記措語極涉不審加施越俸之典捕將則草記中請付臣廳者其意雖急於懲頑何不念本事與治盜有異乎請從重推考大王大妃教曰事係變恠不勝驚惋如有一分紀綱寧或如是吏判事更思之重推越俸猶屬輕典罷職○以沈能岳為吏曹判書南履懋為吏曹參議○甲寅以李翊會為司憲府大司憲李正者為司諫院大司諫○乙卯○丙辰○丁巳崔龍得為首警眾吏曹隸之打殺捕校者也○戊午○己未司諫李家淳從縣道上疏陳本縣邑獎一曰定結役二曰革還獎三曰充軍額四曰重籍法五曰減吏額批以所言切實當體念而五條所陳令廟堂稟處○庚申○辛酉○壬戌進講于熙政堂講詩傳○癸亥進講于熙政堂○甲子進講于熙政堂○大王大妃教曰祈兩祭

為六次而兩意邈然言念民事惶悶無比七次祈雨祭官以正卿閣臣填差○
乙丑進講于熙政堂○以金鼎集為吏曹參議徐有槩為司憲府大司憲林翰
鎮為司諫院大司諫○命六次祈雨祭時因醉失儀之大祝洪在重拿問處之
不為執奏之獻官金在田罷職○丙寅進講于熙政堂○丁卯進講于熙政堂
○戊辰進講于熙政堂○己巳進講于熙政堂○六月庚午進講于熙政堂○
辛未進講于熙政堂○壬申行九次祈雨祭于北郊○進講于熙政堂○癸酉
兩○甲戌○乙亥行別祈雨祭于宗廟○召見平安監司鄭基善于熙政堂辭
陛也○丙子○丁丑兩○戊寅行十次祈雨祭于社稷○大雨○己卯上御熙
政堂行藥院入診引見大臣備局堂上○大司憲徐有槩疏略曰今年畿湖之
旱儘是初有之灾日昨霈澤高低周洽而中庚已迫秋節不遠今雖欲翻畊移
挿恐無實穎實粟之暇向來代播之令出於失彼得此勿令全荒之意而愆陽
之餘必有伏陰恒暘之後必有恒雨其理不忒昔在正廟戊午挿秧愆期朝令
代播蕎麥臣時守淳昌郡勸相其役未幾滯南人告饑代播誠是也而所播
之種未得其宜耳我東穀種名品雖繁其晚蔣而可食者唯有蕎麥與菜豆兩
種而俱惡濕而喜燥宜瘠而忌肥以是種而播植膏濕之地旱極滯至無恠乎

徒勞無功也臣聞中原通州等地有六十日稻初秋下種初冬收穫上海青蒲等地有深水紅稻六月播種九月成熟德安府有香籽晚稻耕田下子五六十日可以食實此皆晚蔣而可食者也臣謂每歲節使之行多方訪求購來頒之八方傳殖則不過一二年人享其利其於廣嘉種而救災荒豈云小補哉昔宋真宗聞占城稻耐寒西天中印土菘豆子多而粒多遣使求其種散諸民間仍以種法下轉運司明儒丘濬曰宋帝此舉有合於大易輔相左右之義且曰官做此意俾民兼種諸穀有司考課書其勸相之數其地昔無而今有者加以官賞前辟之懿範可尋名碩之良書未泯伏願深留聖意令有司之臣悉心採施馬臣又聞救荒之策先事為上最是興水利為今日之急先務挽近畿湖兩南之告歉率多以春夏亢旱而唯有引渠之墜負陂之田獨占豐熟臣謂諸道堤堰申嚴冒耕之禁另施疏鑿之功案付以外如有可施濬開之制者亦令地方官詢究興修議賑諸邑依朱子浙東之奏募饑民修築若其財力不敷處境內饒戶聽其募丁赴役日役百夫以上差定監官事竣後道臣以其名聞視募丁多寡赴役遠近疏鑿廣狹或單付樞啣或量與爵秩以倣漢家力田科遺意新設陂塘之占基於有稅之土者亦許申狀蠲免則賑政堰政一舉兩得策無便

於此者也臣又聞陸耕之農倍艱於水耨之工飯稻之風又盛於百年以來遠
水之乾坪依山之梯田無不翻作水田一有旱暵輒致拋荒而以其繫在旱田
之案原無把束給災之例區別一差更有幻勘之夫民徵不毛之稅此已有乖
於綜覈之政臣請嚴立科條除非灌溉有路及自來生水處外本繫旱田而翻
作水田者逐加查勘一並還作旱田如有冒禁者施以大典冒耕之律則未必
不有助於裕民食備災荒之道此又先事之一策也亦願下詢廟堂而財處焉
批曰本職許遞疏辭甚好令廟堂一一採施○以洪敬謨為司憲府大司憲閔
致文為成均館大司成○庚辰○辛巳○壬午以金履載為司憲府大司憲○丙
癸未以李穆淵為吏曹參判○甲申○乙酉以宋汝翰為司憲府大司憲○丙
戌○丁亥○戊子○己丑判中樞府事沈象奎卒教曰此大臣四朝耆舊也以
清雅愷悌之姿有端方堅貞之操華國之文章也傳家之秉執也非但為同朝
所推許粵在正廟在宥際遇隆重托以腹心亦我純考體先仰成擢至上相逮
予小子倚仗之篤不啻若著龜而况院相之勞乎病患之報未幾長逝之單遽
徹一段為國之苦心何處復見子用悼廓無以為喻卒沈判府事家東園副器
一部輸送成服日遣承旨致祭祿俸限三年仍給嗣孫待闋服調用禮葬等節

令該曹依例舉行象奎性侈麗故判書徐有渠誌其墓曰公性簡亢於物恥居
第二時人謂之知言工詩善尺牘藏書之富世無與甲乙者聲大其身每殿上
奏事鞫鞫如也○庚寅○辛卯○壬辰○癸巳○甲午都政下批以趙秉鉉為
禮曹判書宋冕載為司憲府大司憲柳致明為司諫院大司諫李志淵為議政
府左叅贊李義準為冬至正使尹秉烈為副使李時在為書狀官○乙未召見
守令邊將初任人于熙政堂○丙申○丁酉○戊戌設翰林召試于仁政殿洪
在龍鄭基世南秉哲被選○己亥以朴鳴和為司諫院大司諫○七月庚子○
辛丑○壬寅○癸卯○甲辰上御熙政堂行藥院入診引見大臣備局堂上右
議政李止淵啓言今之說外邑之弊者莫不以流亡絕戶為先自今以往守令
治不治視流亡有無而為殿寂勸懲之資其撫摩得宜者增秩而褒嘉之其苛
虐如前者革職而廢錮之使為守令者咸知朝家重邦本之意大王大妃從之
江華留守朴永元啓言本府餉穀中府倉昂足倉年久流逋為一萬四千八百
八十三石零指徵無處之七千一百六十三石姑以未捧懸錄其餘三千五百
五十石零限十年除耗排捧則庶有方便大王大妃教曰江華國家保障重地
營屬及民勢至於如此既聞之後何忍忽視指徵無處穀七千餘石所請排捧

條三千餘石並特為蕩減○乙巳○丙午○丁未以金英淳為吏曹叅議○戊申○己酉○庚戌○辛亥○壬子○癸丑○甲寅設七夕製于泮宮○乙卯○丙辰○丁巳○戊午以金左根為奎章閣直閣○己未以趙萬永為訓鍊大將○庚申以金祖根為御營大將金煥為摠戎使○備局啓言即見全羅監司李憲球啓本則濟州民高漢祿自丁亥以後密募無賴輩偷船故漂深入彼地至為四次筆談通譯索錢幻銀事係變異合置重辟令廟堂稟處矣依西北犯越律付之該牧聚會軍民梟首警衆○辛酉○壬戌○癸亥○甲子○乙丑以曹鳳振為司憲府大司憲李寅教為司諫院大司諫李蕝準為刑曹判書朴綺壽為漢城府判尹○丙寅○丁卯○戊辰○己巳上御熙政堂引見大臣備局堂上擢金弘根金道喜朴永元為正卿沈宜臣趙容和南履懋韓鎮泉為亞卿又擢金履載徐有槩為從一品○以趙寅永為大提學○八月庚午○辛未○壬申○癸酉○甲戌上詣仁政殿親傳景慕宮秋享香祝○乙亥○丙子上詣仁政殿親傳南壇祭文廟釋奠香祝○丁丑上詣仁政殿親傳社稷秋享香祝○戊寅行都堂會圖四點李是鍊金相稷李孝淳俞象煥李魯奎李源庚朴承輝沈承澤徐者淳洪永圭尹積申錫愚金基績宋柱獻林肯洙金輔根取十六人

○己卯○庚辰上詣太廟景慕宮展謁秋謁也○辛巳進講于熙政堂○壬午
進講于熙政堂○以金緯為成均館大司成○癸未進講于熙政堂○甲申月
有食之○進講于熙政堂○乙酉進講于熙政堂○丙戌進講于熙政堂○丁
亥進講于熙政堂○戊子進講于熙政堂○己丑進講于熙政堂○庚寅進講
于熙政堂○辛卯進講于熙政堂○壬辰○癸巳○甲午○乙未○丙申○丁
酉以閔致成為吏曹叅判金弘根為漢城府判尹尹禹鉉為慶尚左道兵馬節
度使○戊戌上御熙政堂引見大臣備局堂上○九月己亥進講于熙政堂○
庚子進講于熙政堂○辛丑進講于熙政堂○以曹鳳振為吏曹判書洪敬謨
為司憲府大司憲○壬寅上御仁政殿行秋到記講居首沈宜元製述賦居首
李寅夔并直赴殿試○癸卯召見入格儒生于熙政堂仍行進講○甲辰進講
于熙政堂○乙巳進講于熙政堂○以金陽淳為司憲府大司憲○丙午進講
于熙政堂○丁未進講于熙政堂○以金道喜為刑曹判書金弘根為工曹判
書○戊申進講于熙政堂○己酉進講于熙政堂○庚戌進講于熙政堂○辛
亥進講于熙政堂○壬子進講于熙政堂○癸丑進講于熙政堂○以李憲璋
為漢城府判尹○甲寅進講于熙政堂○設九日製于泮宮○乙卯召見入格

儒生于熙政堂仍行進講○丙辰進講于熙政堂○丁巳進講于熙政堂○戊午晝講于熙政堂○己未進講于熙政堂○庚申進講于熙政堂○辛酉進講于熙政堂○壬戌進講于熙政堂○癸亥上御熙政堂朝講引見大臣備局堂上○甲子進講于熙政堂○以李翊會為司憲府大司憲○乙丑雨雹○進講于熙政堂○丙寅進講于熙政堂○丁卯進講于熙政堂○行關北道科取具鍾翕等六人又命預差二券並賜第○戊辰晝講于熙政堂○十月己巳進講于熙政堂○庚午進講于熙政堂○辛未進講于熙政堂○壬申進講于熙政堂○因捕廳草記備局覆啓命誣人告變人禹炳謨押送湖西監營島首警衆炳謨定山人也○癸酉進講于熙政堂○甲戌進講于熙政堂○乙亥進講于熙政堂○丙子進講于熙政堂○丁丑進講于熙政堂○戊寅進講于熙政堂○己卯進講于熙政堂○大王大妃命京畿湖西尤甚邑大同並限明春退捧○庚辰進講于熙政堂○咸鏡道別科武科取許楠等二百七人○辛巳進講于熙政堂○壬午○癸未上御熙政堂引見大臣備局堂上右議政李止淵請收錄李提督遺裔故相臣李恒福祀孫從之○以俞星煥為成均館大司成○大王大妃教曰觀此錦伯狀啓罪人凶書窮凶絕悖萬萬驚惋以事體則不可

不設鞫用法而本事不過誣人之計別無隱情之可覈至若設鞫則中外騷擾不可不念宋黃圭令道臣捧結案以聞金峻固難免知情之律而特以愚蠢無識為人使喚而已以次律減死島配其餘諸囚從輕重酌處○甲申以趙斗淳

為吏曹參判○乙酉○丙戌○丁亥○戊子召見三使臣于熙政堂李義準副使尹秉烈書○庚寅○辛卯○壬辰○癸巳進講于熙政堂李義準副使

慶尚監司權敦仁以才學最著人安東幼學柳昂文星州幼學李秀鎮啓○甲午進講于熙政堂○乙未進講于熙政堂○丙申進講于熙政堂○丁酉進講

于熙政堂○以鄭基一為吏曹參判○戊戌進講于熙政堂○以趙斗淳為黃海道觀察使○十一月己亥進講于熙政堂○庚子上詣仁政殿親傳景慕宮

冬享香祝○以李紀淵為吏曹判書○辛丑進講于熙政堂○壬寅進講于熙政堂○設柑製于泮宮賦居首趙秉駿直赴殿試○癸卯召見八格儒生于熙

政堂仍行進講○甲辰日南至召見時原任大臣禮堂豐恩府院君永興府院君子熙政堂大臣以明年為大王大妃寶齡望六請舉進冊稱觴之禮大王大

妃不聽命只行告布如今春○乙巳進講于熙政堂○丙午進講于熙政堂○丁未進講于熙政堂○戊申進講于熙政堂○己酉進講于熙政堂○給金海

丁未進講于熙政堂○給金海

府滄死恤典○庚戌○辛亥○壬子○癸丑進講于熙政堂○甲寅進講于熙政堂○乙卯進講于熙政堂○丙辰進講于熙政堂○丁巳進講于熙政堂○以鄭元容為吏曹判書朴晦壽為漢城府判尹○戊午上御熙政堂引見大臣備局堂上右議政李止淵啓言近來莫瘡之弊未有甚於田政至若陳廢之實未起墾永作川浦者雖有膏沃可耕之處田主不能自辦他人無以侵占又慮闕荒之後即懲稅役遂使生穀之土仍作汗萊之田宋太宗時命州縣曠土許民佃為永業仍蠲三歲租而悉書守令勸懲之數為之旌賞仁宗時詔民流積十年者其田聽人耕三年後收賦國典有過三年隙田許人告耕之文又增註曰陳田告及起耕者三年後始令納稅或田主來爭則以所耕三分一給田主二給起墾者耕食十年始許均分此皆出於務農勸民之至意或恐尺寸之有荒廢也今宜申明舊規大王大妃從之○進講于熙政堂○以李惟秀為摠戎使李紀淵為司憲府大司憲仇宜臣為司諫院大司諫○己未進講于熙政堂○庚申進講于熙政堂○辛酉進講于熙政堂○壬戌○癸亥以李祖榮為司諫院大司諫○甲子○乙丑○丙寅給茂長縣滄死恤典○丁卯○十二月戊辰○己巳以李升權為三道統制使兼慶尚右道水軍節度使○庚午大王大

妃教曰畿湖賑資自廟堂已為區劃而言念明春民情寢食實為靡甘內帑天銀二千兩丹木三千斤白礬三千斤特為出給廟堂量宜分送設賑各處添補賑資○以沈日永為黃海道兵馬節度使朴潤榮為咸鏡南道兵馬節度使具載龍為全羅右道水軍節度使○辛未吏曹以才學最著人楊根郡守成近默前郡守李敏行前都事李亮淵前奉事洪直弼啓○壬申備邊司啓言慶尚監司權敦仁疏陳道內民邑凋瘵之狀仍請慶州等十五邑京案付各郡關額五千七百二十餘名限三年停庖順興等六邑丙申丁酉未納身布六千三百八十餘兩慶州等三邑丙申條兩稅及各衙門未納一萬四千一百二十餘兩別加措處矣今此諸條所請雖或舉槩略施有難逐段輒許軍伍之逃故即填自有定制貢賦之惟正所納莫敢違法則道臣疏論限年停庖未收請蠲雖緣事勢之切急叅以古例實關後獎決不可容易議到並置之○癸酉○甲戌以徐左輔為吏曹叅判○長陵齋室火○乙亥○丙子○丁丑上御熙政堂引見大臣備局堂上右議政李止淵啓言都下穀價一直翔貴又值塞江貿遷益窘窮班殘民無以延活於冬春之交從前如此之時輒有發賣之舉分付京兆先為抄戶何如大王大妃從之又啓言仕路多雜由於銓格不嚴襍歧出六之無得

遷轉元是古規而挽近則參奉學官檢書引儀外並皆通同遷除都政時忠臣清白吏子孫初仕承傳即朝家別示存錄之意而邇來則並與散政而不拘支派而混舉武之五衛將即文之佐貳也中間濫雜太過大臣屢嘗奏飭而曾不幾何又復蕩然甚至於無薦出身纔經邊將假啣者亦皆無碍得差况又京外久勤私自賣買閑雜之類坐得鎮將之名首醫首譯之知事單付即通編所載而近有不當為而冒為者此皆不得不更加釐正處也自今大政為始一依古式無或違越之意分付兩銓凡政格之列朝受教諸臣筵奏之或行或不皆由於文獻不備之致令兩銓曹廣加搜聚參酌裁定彙成冊子以為啓下遵行永作條例之地似好故敢達矣大王夫妃教曰所奏甚好依此申飭俾有實效而冊子彙定時銓官就質于廟堂以作永久法式又啓言京外才學薦單今皆登啓薦中諸人或負望士林或推重鄉里而實踐篤學可謂一代之雋選豈非為朝廷喜乎曾經六品以上先統蔭正外臺間勿拘通擬參下前啣先為陞授六品職士人則待窠先付初仕仍令吏曹及各該道臣敦勸供仕何如大王大妃從之教曰人才需用國家大事薦中諸人當為別例待之當此聖學長進之時尤急招延輔導之道經筵官抄選從速為之○以李穆淵為全羅道觀察使白

憲宗大王實錄卷之五
啟鎮為京畿水軍節度使兼三道統禦使喬桐府使○戊寅○己卯○庚辰○
辛巳○壬午○癸未○甲申○乙酉給南海等邑滄戶恤典○丙戌召見黃海
監司趙斗淳于熙政堂辭陞也○丁亥抄選經筵官金仁根成近默宋來熙議
政府吏曹同為抄啓也○以朴綺壽為刑曹判書○戊子給洪川縣燒戶恤典
○己丑以金炳朝為咸鏡道觀察使○諭經筵官金仁根成近默宋來熙○庚
寅給全州府燒戶恤典○辛卯都政下批○壬辰召見守令邊將初仕人于熙
政堂○癸巳○甲午○乙未○丙申○丁酉京兆獻民數五部及八道都元戶
一百五十七萬七千八百六十八戶男三百三十四萬二千九百十八口女三百三
十四萬一千二百七十三口○是歲京畿四都畿

憲宗經文緯武明仁哲孝大王實錄卷之五

(B)
732.55
4724
[v.28]
no.2
0230295

昭和七年七月十五日印刷
昭和七年七月二十日發行

(景李朝實錄太白山本)

京城帝國大學法文學部

京城府蓬萊町三丁目六十二・三番地

印刷所 朝鮮印刷株式會社

(B)
732.55
4724
[v.28]
no.2